



REPUBLIKA E SHQIPËRISË  
MINISTRIA E ARSIMIT DHE SPORTIT  
**AGJENCIA KOMBËTARE E ARSIMIT PARAUNIVERSITAR**  
QENDRA BURIMORE PËR NXËNËSIT QË NUK SHIKOJNË

**Nr. 364 Prot.**  
**URDHËR**  
**Nr. 84**

**Datë 07. 08. 2026**

**Datë 07. 08. 2026**

***PËR SHPALLJEN E VENDIT TË LIRË TË PUNËS***

- bazuar në ligjin nr. 7961, datë 12.7.1995 "Kodi i Punës i Republikës së Shqipërisë", i ndryshuar; Ligji nr. 7995, datë 20.09.1995, "Për nxitjen e punësimit", i ndryshuar; Pikat 3 dhe 4, të Kreut 2. Të VKM-së Nr. 1074, datë 23.12.2015, Në mbështetje të nenit 100 të Kushtetutës dhe të pikës 3, të nenit 11, të ligjit nr. 93/2014, datë 31.07.2014 "Për përfshirjen dhe aksesueshmërinë e personave me aftësi të kufizuara";
- Mbështetur në VKM-në nr. 148, dt. 13/03/2024 "Për Kriteret Dhe Procedurat Për Hapjen, Mbylljen Dhe Riorganizimin E Institucioneve Të Arsimit Special Në Qendra Burimore, Si Dhe Për Mënyrën E Organizimit E Të Funksionimit Të Tyre"; si dhe në zbatim të;
- Urdhrit të Ministrisë së Arsimit dhe Sportit nr.449 datë 29.08.2024 "Për Miratimin e Riorganizimit të Institucionit "Instituti i Nxënësve që Nuk Shikojnë" në Qendër Burimore, Emërtesës, Strukturës dhe Organikës", dhe;
- Urdhrit nr.90, datë 20.04.2024 "Për Miratimin E Rregullores Tip Per Riorganizimin E Institucioneve Të Arsimit Special Në Qendra Burimore, Si Dhe Për Mënyrën E Riorganizimit E Të Funksionimit Te Tyre", në vijim njofton si më poshtë:

**Shpalljen Për Konkurs Për Vendin E Punës (dy vende të lira) Në Pozicionin "Redaktor i Kodit Braille", Departamenti I Përgatitjes Së Mjeteve Didaktike, Kurrikulës Së Përshtatur Dhe Zhvillimit Profesional Të Trajnimeve Të Mësuesve, Në Qendrën Burimore Për Nxënësit Që Nuk Shikojnë.**

**Kategoria/ klasa e pagës: Në zbatim të VKM-së 425 datë 26/06/2024 "Për Miratimin e Strukturës dhe të Niveleve të Pagave të Punonjësve Mësimorë dhe të Punonjësve të Tjerë Jo Mësimorë, në Institucionet Arsimore dhe në Institucionet Plotësuese të Sistemit Arsimor Parauniversitar";**

## **1. Kriteret e Përgjithshme të Kualifikimit:**

**1.1 Kandidatët duhet të plotësojnë kërkesat e përgjithshme të pranimit/kualifikimit:**

**Të jetë shtetas shqiptar;**

**a. Arsimimi: Dokument që vërteton përfundimin e nivelit arsimor që kërkon pozicioni i punës:**



REPUBLIKA E SHQIPËRISË  
MINISTRIA E ARSIMIT DHE SPORTIT  
**AGJENCIA KOMBËTARE E ARSIMIT PARAUNIVERSITAR**  
QENDRA BURIMORE PËR NXËNËSIT QË NUK SHIKOJNË

---

**(Diploma e Arsimit të lartë dhe e studimeve të nivelit Master është kusht);**

**Të ketë përvojë pune jo më pak se 1 (një) vit;**

**Të njohë në nivelin shumë mirë një gjuhë të huaj, preferohet gjuha angleze;**

**Të mos ketë masë disiplinore në fuqi, nga punëdhënësi i fundit aktual;**

**Të ketë njohuri dhe aftësi të mira në përdorimin e kompjuterit. Me rëndësi të veçantë janë njohuritë rreth teknologjisë asistive për njerëzit që nuk shikojnë dhe programeve kompjuterike për këtë komunitet;**

**Të mos jetë në kushtet e konfliktit të interesit të përcaktuara në ligjin nr. 9367, datë 7.4.2005 "Për parandalimin e konfliktit të interesave në ushtrimin e funksioneve publike", i ndryshuar;**

**Të jetë në gjëndje të mirë shëndetësore dhe i aftë fizikisht e mendërisht për të vepruar (duke nënkuptuar përcaktimet në raportin e aftësisë për punë, lëshuar nga komisioni mjeko ligjor);**

**Të mos jetë i dënuar nga organet gjyqësore dhe të drejtësisë me vendim të formës së prerë;**

## **2. Kriteret e Veçanta / Posaçme të kualifikimit:**

**2.2. Kanë prioritet kandidatët që krahas plotësimit të kriterëve të përgjithshme të kualifikimit plotësojnë dhe kërkesat e veçanta/posaçme të kualifikimit:**

**Eksperienca e mëparshme/fundit e punësimit në Administratën Shtetërore/Private (Në pozicione/sectorë të njëjtë me pozicionin e punës për konkurim, apo të përafërt/ngjashëm me të);**

**Në formularin e vlerësimit të fundit nga eprori direkt, apo rekomandime pozitive nga punëdhënësi të mëparshëm.**

**Në vlerësim ka prioritet niveli i "Diplomës Universitare" dhe njohja e mjeteve dhe programeve të teknologjisë asistive për njerëzit me aftësi të kufizuara në shikim.**



REPUBLIKA E SHQIPËRISË  
MINISTRIA E ARSIMIT DHE SPORTIT  
**AGJENCIA KOMBËTARE E ARSIMIT PARAUNIVERSITAR**  
QENDRA BURIMORE PËR NXËNËSIT QË NUK SHIKOJNË

---

### 3. Dorëzimi i Dokumentacionit:

**Kandidatët aplikantë për këtë pozicion pune duhet të dorëzojnë dokumentet si më poshtë:**

- b. Kërkesë për punësim/Shprehje interesi;**
- c. CV/Jetëshkrim;**
- d. Fotokopje e dokumentit të identitetit (letërnjoftimi ID ose pasaportë);**
- e. Çertifikatë personale dhe certifikatë e gjendjes familjare;**
- f. Dokument që vërteton përfundimin e nivelit arsimor që kërkon pozicioni i punës:**  
(Diploma e Arsimit të lartë dhe e studimeve të nivelit Master është kusht);
- g. Fotokopje e librezës së punës (të gjitha faqet që vërtetojnë eksperiencën në punë);**
- h. Vërtetim të gjendjes gjyqësore nga prokuroria dhe gjykata;**
- i. Dëshmi penaliteti;**
- j. Vetëdeklarim të gjendjes së konfliktit të interesit;**
- k. Formularin e Vlerësimit të fundit të punës nga eprori direkt;**
- l. Vërtetim nga punëdhënësi aktual që nuk ka masë disiplinore në fuqi;**
- m. Raporti i lëshuar nga komisioni mjeko-ligjor, si dhe konfirmimi për kryerjen e kontrollit mjekësor bazë;**
- n. Çdo dokumentacion tjetër që vërteton plotësimin e kushteve/kritereve të mësipërme të kualifikimit, si dhe trajnime, kualifikime, arsimim shtesë, vlerësime/rekomandime pozitive, apo të tjera të përmendura në CV/Jetëshkrim.**

**(Dokumentet duhet të jenë të lexueshëm edhe nëpërmjet teknologjisë asistive për njerëzit që nuk shikojnë. Në çdo rast kandidati/ kandidatja fitues/e do duhet të dorëzojë dokumentet origjinalë ose fotokopje të vërtetuara me noter.**

#### 3.1 Mënyra e dorëzimit të dokumentacionit:

- a. Dokumentacioni do të dorëzohet në zyrën e arkiv-protokollit të institucionit, personalisht ose me postë, brenda orarit zyrtar të punës (e hënë- e premte nga ora**



REPUBLIKA E SHQIPËRISË  
MINISTRIA E ARSIMIT DHE SPORTIT  
**AGJENCIA KOMBËTARE E ARSIMIT PARAUNIVERSITAR**  
QENDRA BURIMORE PËR NXËNËSIT QË NUK SHIKOJNË

---

**08.00 - 14.00), në adresën: Instituti i Nxënësve që Nuk Shikojnë, Rruga e Dibrës (pranë Medresesë), Tiranë;**

**b. Dokumentacioni duhet të dorëzohet me postë ose dorazi nga aplikanti, në zyrën e arkiv protokollit të institucionit brënda afatit të përcaktuar për dorëzimin/ pranimin e dokumentacionit.**

**C. Dokumentacioni duhet të dorëzohet gjithashtu në format elektronik në postën elektronike zyrtare të institucionit: email: [info@innsh.edu.al](mailto:info@innsh.edu.al)**

### 3.2 Afati i dorëzimit të dokumentacionit:

**a. Afati maksimal i dorëzimit/pranimit të dokumentacionit nga zyra e arkiv-protokollit të institucionit do të jetë (14) katërmëdhjetë ditë, nga dita e nesërme e shpalljes së njoftimit në faqen e webit të INNSH-së: [www.innsh.edu.al](http://www.innsh.edu.al) në rubrikën respektive: Vende vakante/ të Lira Pune.**

## 4 Përshkrimi i përgjithshëm i punës:

### 1. Detyrat dhe Përgjegjësitë e Redaktorit të Kodit Braille në Qendrën Burimore

1. Të zotërojnë kodin Braille për gjuhën shqipe dhe gjuhë të tjera të përdorura në materialet didaktike në qendrën burimore për nxënësit që nuk shikojnë.
2. Të zotërojnë njohuritë më të larta të përdorimit të programeve kompjuterike të redaktimit, faqosjes dhe shtypjes së librave në kodin Braille.
3. Të njohë mjetet e posaçme të përdorura për plotësimin e nevojave arsimore për nxënësit me vështirësi shikimi që ndjekin shkollat e zakonshme.
4. Të formatojnë dhe transkribojnë për shtyp tekstet mësimore, jashtë mësimore dhe çdo material tjetër që i paraqitet si kërkesë gjatë procesit të punës.
5. Të korrektojnë, redaktojnë e printojnë (në printer Braille edhe/ose në pajisjet termoform) kurrikulën që aplikohet në QB, si edhe literaturë shtesë lidhur me shkollat e zakonshme.
6. Të bashkëpunojnë me punonjësit e tjerë përgjegjës për shtypjen e librave dhe lidhjen e tyre.
7. Të hulumtojnë në internet rreth ndryshimeve dhe përditësimeve të kodit Braille, dhe të përvetësojnë çka është e nevojshme për mbarëvajtjen e punës në QB.
8. Të komunikojnë me shtëpitë botuese për sigurimin e materialeve shkollore të nevojshme për shtypje në kodin Braille.



REPUBLIKA E SHQIPËRISË  
MINISTRIA E ARSIMIT DHE SPORTIT  
**AGJENCIA KOMBËTARE E ARSIMIT PARAUNIVERSITAR**  
QENDRA BURIMORE PËR NXËNËSIT QË NUK SHIKOJNË

---

9. Të hartojë dhe të raportojë çdo fund muaji tek drejtuesi i QB-së rreth ecurisë së punës, dhe realizimit të detyrave dhe përgjegjësi.

## 5 Mënyra e përzgjedhjes/kualifikimit të kandidatëve

**a. Përzgjedhja/kualifikimi i kandidatëve do të kryhet e ndarë në 2 faza si më poshtë:**

**b. 60 pikë nga vlerësimi i dokumentacionit të sipërcituar të depozituar nga kandidatët në institucion, nga komisioni i vlerësimit i ngritur për këtë qëllim;**

**c. 40 pikë nga intervistimi me gojë i kandidatëve nga komisioni i vlerësimit, të cilët do të vlerësohen në lidhje me:**

**15 pikë nga njohurite, aftesitë në lidhje me punën;**

**15 pikë nga eksperiencat e tyre të mëparshme;**

**- 10 pikë nga motivimi, aspiratat dhe pritshmëritë e tyre për punën;**

6 Ngarkohen për ndjekjen dhe zbatimin e këtij urdhri Sektori i arkivës dhe sekretarisë pranë institucionit;

7 Ky urdhër hyn në fuqi menjëherë.

**DREJTOR**

**EMILIANO LULE Dr. Proc.**